

cenaculum in quo spirituales epule solummodo ministrantur sicut alibi declaravi tibi. Ubi et carnalem paradysum hoc est carnalium deliciarum euidenter destruxi et spirituales delicias quales creator daturus est diligentibus se nullo modo cum carnalibus deliciis posse esse. Sicut gens sarracenorum stultissime opinatur euidenter ostendi.

Amplius. Glorificandis hominibus ex necessitate danda est habitatio que congruat gratie illorum. Quia igitur gloria illarum quantum ad animas simul erit et equalis glorie sanctorum ac beatorum angelorum; ex necessitate eadem dabitur habitatio eis quam nunc obtinent sancti angeli ac beati. Si igitur verum est quod habitatio huiusmodi angelorum empireum celum sic erit similiter habitatio hominum glorificatorum.

Amplius. pro nobilitate et gloria huiusmodi hominum glorificatorum necesse est ut sit eis habitatio et locus nobilis et gloriosus. Sicut igitur huiusmodi corpora erunt in ultimitate glorie et nobilitatis corporalis. Sic et locus eorum et habitatio erunt in ultimitate nobilitatis localis. Cum igitur non sit nobilitas aut gloria localis que non sit minor nobilitate celi empirei si ipsum est.

Manifestum est quia corporibus huiusmodi debetur habitatio empirei celi aut igitur iam est empireum celum et hoc est quod que rebam aut non est. Quod si non est deest igitur domini dei potissima mansio eiusdem videlicet cenaculum et vniuerso corporeo nobilissima ac maxima pars eiusdem. Celum enim altissimum non est omnibus alijs maius est atque capatius et etiam nobilius.

Quare vniuersum corporeum nec est mundus corporeus neque omne neque totum neque vniuersum cum esset a deo incompletum ac tam nobilis partis paciens defectum.

Amplius. hominibus glorificatis omnino indigna et inconueniens est habitatio terrena. sic nec celo congruit nec eo digna est multo minus corporibus hominum glorificatorum indigna erit cum huiusmodi corpora gloria et nobilitate omnium celo prestantiora futura sint. Sed neque habitatio celorum mobiliu eis congruit. Tanta enim rapiditas motus quieti et paci beatitudinis valde repugnans est. Supra celos igitur mobiles transferendi sunt homines glorificandi. Quare ad celum vltimum quod empi-

reum vocat. Quod si dixerit quis quia regio aquarum que super celos sunt sufficiens et conueniens habitationi glorificandorum hominum et quia ultra eos non est aliud celum. Reminisci debes eorum que paulo ante audisti quia aque siue labiles siue siue vaporabiles nullomodo sunt habitatio glorie. Si vero sunt sicut predicti tibi. videlicet quod ex eis factum sit corpus nobilius corporibus celorum mobilium. Dico quia nec sic etiam conuenientes sunt glorie corporum huiusmodi. Sunt enim futura huiusmodi corpora incomparabiliter nobiliora atque subtiliora quam sit corpus illud. Dico etiam quia inordinatum valde esset ut supra huiusmodi corpora esset aliud ignobilius. Quare non super ea celi empireum sed magis in illo et cum illo. De eo vero quod dicit quia super aquas non est corpus aliud. Attende quod alibi didicisti scilicet quia humidum est male tractabile proprio termino. bene vero terminabile alieno. Siue igitur aque huiusmodi labiles siue vaporabiles non possunt esse terminus mundi quia nec vltimum corpus mundi corporei. Super aquas igitur est aliud corpus ambiens eas. et omnia que sub eis sunt hoc igitur est corporum omnium vniuersi corporei et celorum omnium maximum utpote continens omnes celos et quecumque ab eisdem continentur. Quod si quaesierit aliquis propter quid corpus illud quod ex aquis supercelestibus factum dicitur non sit aut nominetur celum. Respondeo tibi quia aliqui iam nominauerunt celum illud aqueum celorum naturam non satis attendentes. Celorum enim natura non solum contentiua est. sed etiam multiplicis virtutis influxiua super contenta et omne celum corpus organicum est. Et operationes atque virtutes numerabiles et pene innumerabiles attribuerunt eis astronomi. Unde et corpora organica euidenter sunt et nobiliores ex philosophis ea esse animalia posuerunt. De corpore vero illo aqueo nec virtus nec operatio aliqua operatio dico celestis virtutis ad hec audita est vel posita ab aliquo. Casus ei siue descensus pluuiaz cuiusmodi operatio sit satis notum est. De celo vero empireo non videtur similiter se habere ut de alijs celis cum quietis et perpetue stabilitatis illi vero manifeste